



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XXII. Pro indigentis Locorum Sacrorum Terræ Sanctæ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Datum Romæ apud S. Mariam Majorem sub Annulo Piscatoris die XV. Octobris MDCCCI. Pontificatus nostri anno Primo.

XXI.

Confirmatur Decretum Magistri Gen. Ordinis Prædicatorum confirmans abdicacionem graduum, & privilegiorum personalium factam a Congreg. Observantis B. Jacobi Venetiærum.

Inn. XI. Const. ed. 1683. Apr. 7. declaratum fuit non esse admitendam cessionem loci factam a Fratribus Galis strict. Obser. Et hujus Pont. Const. ed. 1702. Feb. 8. P. 2. agit de receptione Religiosorum ad Congregationem Venetam.

CLEMENS PAPA XI.

Ad futuram rei memoriam.

EXponi Nobis nuper fecerunt dilecti filii Vicarius Generalis, & Fratres Congregationis Observantis Beati Jacobi Venetiærum Ordinis Prædicatorum, quod ipsi ad regularem disciplinam in dicta eorum Congregatione promovendam, & sublatis omnibus obstaculis perpetuis stabilendam omnibus gradibus, præcedentiis, & privilegiis personalibus, quorum usus in eam introductus reperiebatur, sponte renunciant, ad hoc ut Religiosi omni ambitiosa æmulatione, & temporalis retributionis expectatione remotis, literarum studiis, & verbi Dei prædicationi, gloriam Dei, & spiritualem Christifidelium utilitatem sibi tantum proponentes vacent, ad imitationem, & exemplum Provinciæ Toletanæ, ac Congregationum Sanctæ Sabinæ, & Sancti Marci ejusdem Ordinis, ac dilectus etiam filius Antoninus Cloche Magister Generalis dicti Ordinis renunciationem, & abdicacionem hujusmodi accepit, & nonnulla statuit circa honorem, titulos, præminentias, exemptiones, & privilegia in præfata Congregatione nulli in posterum competitura, & omnimodam inter omnes æqualitatem servandam, & alias prout ulterius continetur in ipsius Antonini Magistri Generalis Decreto desuper edito tenoris, qui sequitur videlicet. Nos Frater Antoninus Cloche Sacræ Theologiæ Professor, ac totius Ordinis Prædicatorum humilis Magister Generalis, & Servus, Exigit Officii nostri ratio, ut in vota Patrum Provinciarum, & Congregationum aliquando descendamus, earumque precibus inclinemur. Quare cum Reverendus Admodum Pater Vicarius Generalis cæterique RR. PP. Congregationis nostræ Beati Jacobi Venetiærum libello supplici Nobis exposuerint, se vehementer optare gradibus omnibus, seu Magistri, seu Baccalaurei, seu Prædicatoris Generalis eorumque titulis, Juribus cæterisque omnibus præminentis renunciare a Constitutionibus nostris concessis, eorum petitionibus paterna providentia annuentes tenore præsentium, nostrique auctoritate Officii acceptamus R. A. P. Vicarii Generalis aliorumque Patrum spontaneam abdicacionem graduum omnium ab iis factam, statuimusque in posterum, quod nulli in ea Congregatione assumantur, & admittantur tituli Theologiæ Magistri, Regentis, Baccalaurei, Magistri studentium, Prædicatoris Generalis, quod nulla futura sit unquam quomodocumque præminentia, sed omnes, & singuli post Superiores sua loca sumant, ordinem juxta professionis antiquitatem, ubique teneant, nullum titulum usurpent, nisi dumtaxat Officii, quod actualiter exercent, quo Officio expleto nullum nisi, qui simplici Religioso convenit titulum habeant, nullum etiam privilegium mittendi, vel recipiendi, vel legendi literas habeant, nisi accepta a Superiore li-

centia, nullam excusationem habeant a sequela Chori, aut ab onere hebdomadarii, sed omnimoda æqualitas, ac uniformitas observetur ab omnibus, & quoad omnia, inter eosque sola in Religione professionis antiquitas distinguatur, cæteris aliis omnibus omissis. Datum Romæ in Conventu nostro Sanctæ Mariæ super Minervam die 8. Aprilis 1701. -- Frater Antoninus Cloche Magister Ordinis -- Registrat. fol. 50. -- Frater Aloysius de Baratel Magister, & Socius.

§. 1. Cum autem, sicut eadem expositio subjungebatur, dicti Exponentes Decretum hujusmodi, quo firmius subsistat, & servetur exactius Apostolicæ Confirmationis nostræ patrocinio communiti summopere desiderent: Nos ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabil. Fratrum nostrorum S. R. E. Cardinalium, & dilectorum Romanæ Curie Prælatorum super disciplina regulari specialiter deputatorum consilio, Decretum præinsertum, auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes & singulos juris, & facti defectus, si qui desuper quomodolibet intervenerint, supplemus, salva tamen semper in præmissis auctoritate Congregationis eorundem Cardinalium, & Prælatorum.

§. 2. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quomodocumque spectabit in omnibus, & per omnia inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Congregationis, & Ordinis prælatorum etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis, illorum tenores præsentibus, pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscat. die XXI. Octob. MDCCCI. Pontificatus Nostri Anno Primo.

Confirmatur Constitutio Urb. VIII. super indigentis Locorum Sacrorum Terræ Sanctæ.

Constitutio Urb. VIII. ed. fuit 1634. Feb. 3., Et ultimo confirmata ab Inn. XII. Const. ed. 1696. Feb. 24. P. 5. Postea vero ab Inn. XIII. Const. ed. 1721. Nov. 21. P. 1.

Preces FF. d. Congregationis.

Confirmatio relati Decreti.

Clausula.

XXII.

Dat. 21. Oct. 1701. An. 1.

Ab hujusmodi Religiosis nuncium remissum fuit gradibus omnibus, & privilegiis personalibus.

Decretum Magistri Gen. quo confirmatur abdicatio præd. omnium.

CLEMENS PAPA XI.

Ad futuram rei memoriam.

Exordium.

**S**alvatoris, & Domini Nostri Jesu Christi, qui pro humani generis Redemptione seipsum exinanivit, factus obediens usque ad mortem, vices, licet immeriti, gerentes in Terris inter multiplices gravesque Apostolicae servitutis curas, in eam praecipue pastoralis sollicitudinis vigilantia incumbimus, ut tanti, & tam salubris Mysterii monumenta, quae in Civitate Hierusalem, & locis circumvicinis sunt, conserventur, & omni, qua fieri poterit, majori honorificentia recolantur.

Ab Urb. VIII. praecipuum fuit Locorum Ordinarius, & Religionum Generalibus, ut saltem his in anno populo commendari curarent indigentiam dd. Locorum.

§. 1. Cum itaque alias felic. record. Urbano Papae VIII. Praedecessori Nostro exposito, quod Ecclesiae, & alia loca pia in Civitate Hierusalem, & aliis locis Terrae Sanctae existentia fere diruta erant, & quae adhuc ibi existerent Monasteria aere alieno ob impiam Turcarum, Haereticorum, & Schismaticorum Tyrannidem, & pro Sanctae Fidei Catholicae in eisdem Locis conservatione contracto admodum gravata reperiebantur, idem Urbanus Praedecessor Patriarchis, Archiepiscopis, Episcopis, & aliis Locorum Ordinariis, necnon omnibus, & singulis quorumvis Ordinum, Congregationum, & Institutuum Regularium Generalibus commiserit, & mandaverit, ut ad minus duabus vicibus quolibet Anno, Adventus, & Quadragesimae temporibus tam per Verbi Dei Praedicatores in suis Sacris Concionibus, quam in actionibus, & functionibus publicis necessitates eorumdem Sacrorum Monumentorum Populo proponi, & commendari curarent, & facerent, & alias pro ut in ipsius Urbani Praedecessoris literis desuper in simili forma Brevis die 3. Februarii 1634. expeditis, quarum tenores praesentibus pro expressis haberi volumus, uberius continetur; & sicut pro parte dilecti filii Bernardi ab Ecclesia Ordinis Fratrum Minorum Sancti Francisci de Observantia nuncupatorum Professoris, ac ejusdem Terrae Sanctae Commissarii Generalis Nobis nuper expositum fuit, ipse, quo praefata Urbani Praedecessoris Literae, quae a recol. mem. Innocentio X. Clemente X. Innocentio XI., Alexandro VIII., ac Innocentio XII. Romanis Pontificibus Praedecessoribus pariter Nostri confirmatae fuerunt, exactius observentur, illas per Nos pariter confirmari, & innovari desideret: Nos eorumdem Sacrorum Monumentorum conservationi, & manutentioni consulere volentes, praedictas Urbani Praedecessoris Literas Apostolica auctoritate, tenore praesentium confirmamus pariter, & approbamus, illasque innovamus, & observari mandamus.

Preces Commissarii Gen. Terrae S. pro confirmatione Constitutionis Urbani VIII. jam antea ab alijs Sum. Pontif. confirmatae.

Confirmatio d. Constitutionis.

Et mandatum super ejus executione.

Clausula.

§. 2. Volumus autem, ut Patriarchae, Archiepiscopi, & Episcopi praefati in relatione status Ecclesiarum suarum, quando visitabunt limina Apostolorum, faciendae, referant, se praedictis Urbani Praedecessoris, ac praesentibus Nostri Literis paruisse; contrariis non obstantibus quibuscumque.

§. 3. Volumus insuper, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides adhibeatur, quae praesentibus ipsis adhiberetur si forent exhibitae, vel ostensae.

Datum Romae apud S. Mariam Majorem sub Annulo Piscat. die XVIII. Novemb. MDCCI. Pontificatus Nostri Anno Primo.

XXIII.

Conceditur Indulgentia plen. perp. peregrinantibus ad Ecclesiam Monasterii Sacri Specus Sublacen. Monachorum Cassinensium.

Innoc. XII. Const. ed. 1676. Nov. 17. P. 1. agitur de facultate approbandi Confessarios.

CLEMENS PAPA XI.

Ad perpetuam rei memoriam.

Exordium.

Universis Christianis praesentes literas inspecturis salutem, & Apostolicam benedictionem.

**I**njuncta Nobis divinitus Apostolicae servitutis ratio postulat, ut caelestium munerum thesauros dispensationi nostrae a Domino creditos ad augendam in terris Sanctorum in Caelis cum Christo regnantium venerationem, excitandamque, & conservandam erga illos fidelium devotionem libenter, quantum Nobis ex alto conceditur erogare studeamus.

Causa hujus Concessionis.

§. 1. Itaque gloriosa S. Benedicti Abbatis, qui dum in hac Terra adhuc esset, nulli voluptati animi dedit, sed soli Deo placere desiderans, Sanctae Conversationis habitum quaesivit, ac caelestis gratiae benedictione repletus Ecclesiam Catholicam spiritualium aromatum fragrantia longe, lateque replevit, merita pio, devotoque animi affectu recolentes, nec non spirituali Christianis ad Ecclesiam Monasterii Sacri Specus Sublacen. nullius Diocesis Provinciae Romanae Congregationis Cassinen. Ordinis ejusdem Sancti Benedicti, ubi ipse, ut totum se Jesu Christo daret, per triennium delituit, quamque Nos pluries ante nostram ad summi Apostolatus apicem assumptionem, dum in minoribus constituti eramus, personaliter visitavimus, devotionis causa peregrinantium consolationi, atque animarum saluti, quantum cum Domino possumus, consulere cupientes, de omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Christianis ad Ecclesiam ejusdem Sacri Specus, sicut praemittitur, peregrinantibus, qui illam vere poenitentes, & confessi, ac sacra communione refecti, devote visitaverint, & ibi pro Christianorum Principum concordia, haeresium extirpatione, & Sanctae Matris Ecclesiae exaltatione pias ad Deum preces effuderint, plenariam omnium peccatorum suorum indulgentiam, & remissionem semel tantum in anno per unumquemque lucrificandam, misericorditer in Domino concedimus. Praesentibus perpetuis futuris temporibus valiturs.

Concessio d. Indulgentiae semel tantum in anno.

Clausula.

§. 2. Volumus autem, ut praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae vel ostensae.

Datum Romae apud S. Mariam Majorem sub Annulo Piscat. die XXII. Novemb. MDCCII. Pontificatus nostri Anno Primo.

XXIV.

Confirmatur Decretum Card. Protectoris quo permittitur publicatio Decretorum innovantium, moderantium, & declarationum Constitutiones Ord. B. M. de Mercede Redem. Captiv.

Constitutiones Ordinis confirmatae fuere Innoc. XII. Const. ed. 1691. Dec. 7. P. 1. Et Const. ed. 1692., Mar. 1. P. 1. permittitur moderatio cujusdam particulae Constitutionum. Hujus vero Pontificis Const. ed. 1703. Aug. 13. P. 3. confirmantur quaedam Capitula, & Ordinationes.

CLEMENS PAPA XI.

Ad futuram rei memoriam.

**A**lias pro parte dilecti filii Antonii Salvador Gilaberte Vicarii, & Procuratoris Gene-

Supplex libellus super

ralis